

'Lasa-Zabala auzia'

Bahiketa erabaki politikoa izan zela diote Dorado eta Bayok Vaquerorekin izan elkarrizketa batean


Bi guardia zibil ohiek grabatu zuten 1997an, Angel Vaquero espetxera bisitan joan zitzaienean

Axun Erzigogoa / Madril
Berriemaile berezia

Angel Vaquero, Enrique Dorado eta Felipe Bayoren arteko elkarrizketa bat entzun zen

JESUS SANTOS fiskalak eskatu zuen osteguneko saioan elkarrizketa hori entzutea Angel Vaquero teniente koronelari zenbait galdera egiteko. Une horretan bertan Vaquero urduritzen hasi zen. Elkarrizketa hori ez zuela gogoratzen esan zuen, eta Bayo eta Dorado ikustera joaten zenean animoak emateko izaten zela. Atzo elkarrizketa entzun ondoren Vaquero are urduriago azaldu zen, eta elkarrizketa horretan bere ahotsa ez zuela ezagutzen esan zuen, nahiz elkarrizketan komandante deitzen dioten —1997an Vaquero komandantea zen—, eta beste une batetan Angel esaten dioten. Horrela, fiskalak elkarrizketari buruz eginiko galderak erantzuteari uko egin zion Vaquerok.

1997ko Aste Santuan eginiko grabazioan, Vaquero, Dorado eta Bayoz gain Jose Ramon Goñi Tirapu ere baze goen. Bayo eta Doradok 10 hilabete zeramatzaresen espetxean, eta nazkatuta daudela agertzen dute behin eta berriz elkarrizketan. Vaquerok lasai egoteko esaten die, laster askatuko dituztela. Bayo eta Doradori esaten die errugabeak direla, «errudunak zaretela esaten baduzue



Angel Vaquero Guardia Zibileko teniente koronela eta Enrique Rodriguez Galindo jenerala, atzo epaiketa bidean.

gauzak zailagoak jarriko zaizkizue». Bayok, ordea, erantzuten dio: «Egiak libreago egiten gaitu nahiz politikoak zigortu, azken batean haiek baitira benetako errudunak». Gauzak horrela jarraituz gero hitz egiteko asmoa azaltzen du Bayok.

Elkarrizketaren une batean Bayok eskatzen dio Vaquerori Lasa eta Zabala bahitu zutenak mertzenarioak izan zirela onar dezala publikoki eta politikoak inplikatzala. Lasa eta Zabala galdekatu zituztela onartzen dute Bayo eta Doradok, baina

ez bahiketan eta ez hilketan ez zutela zerikusirik izan. Egindako guztia beren buru zirenen aginduak jarraituz egin zutela ere azaltzen dute. Hala, Vaquero, Del Hoyo, Alba, Acedo eta Galindo inplikatu zeudela adierazten dute. Argote abokatua Rafael

nak hartu behar dituztenek ez dituztela hartu agertzen dute, beren arduradunei eta ardura-dun politikoei buruz ari direla azalduz. Gauzak horrela jarraituz gero, hitz egingo duela ere esaten du Felipe Bayok.

ANGEL VAQUERO

■ ■ ■ «Zuek errugabeak zarete mundu guztiaren aurrean. Errudunak zaretela esaten baduzue, gauzak zailago jarriko zaizkizue»

Vera eta Jose Barrionuevoren adiskide handia dela eta hori beraientzat kaltegarri dela diote, Argotek horien alde egingo duelako nahiz aginduak haiek emanak zirela jakin.

Goñi Tirapuri dagokionez, lasai hartzeko esaten die Doradori eta Bayori, haiek espetxetik ateratzeko ahaleginak egiten ari dela erantsiz. Elkarrizketaren zati batean Goñi Tirapuk alde egiten du eta Vaquero, Dorado eta Bayo bakarrik geratzen dira.

Vaquero fiskalari atentzioa deituz

Fiskalak eginiko galdera bakoitzari berdin erantzuten zien Vaquerok: «Nire ahotsa ez dut ezagutzen eta, beraz, ez dut erantzungo»; «Lehen esan dudana gauza bera esaten dut». Hala ere, fiskalak galdetzen jarraitu zuen elkarrizketari buruz, eta halako batean horrela erantzun zion: «Esan dizut, Bayo eta Doradori animoak ematera joaten nintzela, ez beste ezertara. Ez saiatu ni nahasten fiskal jaun». Epailea asko haserretu zen auzipetuaren jarrerarekin. Fiskalari horrelako ezer esateko eskubiderik ez duela ohartarazi zion. Vaquerok esan zion ez zekiela nola erantzun fiskala egiten ari zitzaikeen galderei eta indefentsio egoeran sentitzen zela: «Eusten saiatzen ari naiz, baina egoera oso gogorra da», esan zion.

Tolosako atxilotuak ETA militarrarekin lotuta

■ ORAIN arteko akusatu guztiekin gertatu den moduan Angel Vaquerok ere ez zien erantzun akusazio partikularreko eta herri akusazioko abokatuengalderei. Hala ere, bai Iñigo Iruinek, bai Angeles Lopezek beren galderak egin zituzten jasota gera daitezen. 1984ko urtarri-lean atxilotuta ugari egin ziren Tolosan, eta ustez Joxean Lasa eta Joxi Zabalarai ateratako informazioa erabili

zuten atxilotuta horiek egiteko.

Epaiketari sarri galdetu dute bai alde batenko eta bai beste abokatuengalderak horri buruz. Julen Elgorriagak, Enrique Rodriguez Galindok eta Angel Vaquerok esan dute atxilotuta horiek Guardia Zibileko zerbitzu bereziak kideak egin zituztela. Atxilotze horiek Martin Barrios Farmaziako kapitainaren bahiketaren ingu-

ruan, eta beraz, ETA politiko militarrekin lotuta egin zirela baieztatu zuten aipatu hiru auzipetuek. Halaber, Lasa eta Zabala ETA militarrekin lotuta zeudela ere baieztatu zuten. Atzo Iruinek eskatu zuen Tolosako sarekada hartan atxilotutako zenbait lagun atxilotze aginduak irakurtzeko. Atxilotzeko arrazoiak azaltzean horrela zioten agindu horiek: «Atxilotzen da ustez ETA militarre-

kin lotura duelako edo laguntza ematen dielako». Zazpi edo zortzi adibide irakurri ostean nahikoa zela esan zuen Iruinek, atxilotetak ETA militarren inguruan eta ez politiko militarren inguruan gertatu zirela agerian utziz.

AT izeneko indarkeriaren kontrako taldeei buruz ere galdetu zion Iruinek Vaquerori. Santiago Lopez Valdivielso guardia zibileko zuzendariak AT tal-

deak izan direla eta badirela esan zuen osteguneko. Hori horrela izanik ea bezperan esandakoari eusten zion galdetu zion, Galindok bezala, AT taldeak inoiz ez zirela existitu esan baitzuen. Galdetegiaren amaieran 1995eko amaieran Doradok Vaquerorekin izan telefonozko hiru elkarrizketa entzuteko eskatu zuen Iruinek, Doradoren pentsioaren tramitazioaren ingurukoak.